

Guangjisi Minzcu Bau

ganhhau: CN45-0036 B.2016 Nd.10 Ng.19 liggaeuq bingjsaen nienz ndwengouj cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3245期

Namzningz Si 2016 Nienz “Riengz Gou Hag Sawcuengh” Beizyinbanh Geiz Daihngaih Yaek Haiban Mbouj Aeu Cienz 南宁市2016年“跟我学壮文”培训班第2期即将免费开班

Vih swnjcienz caeuq fatyienz conzung minzcu vwnzva, henhoh gij gienzleih saujsu minzcu hagsib sawjungh caeuq hwngfat saw vah minzcu bonjfaenh, laebhwnj gij saedceij vahgangj lai cungj lai yiengh, Namzningz Si Minzcunghveij, Namzningz Si Minzyijveij caeuq Namzningz Sinhvwanzvangj, Cinghsiu Gih Minzcunghgiz(Minzyigiz) yaek youq 10 nyied 22 hau(camhdingh) banh aen beizyinbanh “riengz gou hag Sawcuengh”, aen hozdung banh ngoenz ndeu neix.

Daj 8 nyied 23 hau geiz daih’ it beizyinbanh “riengz gou hag Sawcuengh” youq Vujmingz Gih haiban le, ndaej daengz gyoengq yozyenz Hwngzyen, Sanglinz, Lungzanh, Vuj-

mingz Gih daengj haenhndei, vihneix Si Minzcunghveij caeuq Si Minzyijveij gietdingh yaek youq 10 nyied ndawnyieb youq Namzningz banh geiz daihngaih beizyinbanh.

Aen beizyinbanh hai ngoenz he, cienzboh mbouj aeu cienz, faen baenz banhaet caeuq banringzgvaq song baez dangzgoq. Dangzgoq banhaet baugvat son gij cihsiz giekdaej Vahcuengh Sawcuengh, ganggej Fwencuengh caeuq banringzgvaq son baenzlawz doxeu daengj. Gizdieg beizyin youq Namzningz Si Lohyinzgingj 28 hau Namzningz Sinhvwanz Cungsim caengz daihngaih funghranz haihoih (banhaet 8:30-12:00)、Gvangsijh Vwnzvuzyen (Banringzgvaq 14:00-16:00). Bouxlawz siengj daeuq camgya ndaej dwk

dienhvah hawj Si Minzyijveij bauqmingz (dienhvah hauhmax: 5715080, 18275774039), roxnaez youq Namzningz Sinhvwanzvangj roengz banjdensw 《Biujbauqmingz Beizyinbanh “Riengz Gou Hag Sawcuengh” (Geiz daihngaih)》, roxnaez lienzhaeh bauxbanhsaeh aeu mbaw biuj neix, dienz ndei liux youq 10 nyied 19 hauh gaxgonq fat mbaw biuj neix daengz youzsieng Namzningz Si Minzyijveij nnsmyw@163.com, 30 baux yozyenz bauqmingz gonq haenx miz huq laex iq lingx. Ngoenz bauqmingz ceiqlaeng dwg 10 nyied 19 hauh, bauqmingz gezgoj yaek linghvaih dunghcih.

(Namzningz Si Minzyijveij hawj-gauj)



Gunghewngz: Minzsuz Vwnzva Haeuj Hagdangz

恭城: 民俗文化进校园

Gunghewngz Yauzcuz Swciyen gyauyuz hidungj vih engqgya ndei swnjcienz caeuq baujhoh vwnzva minzcu, caeuq mizgven bumwnz caez haenqrengz haiguh vwnzva minzcu haeuj hagdangz hozdung. Seizneix, aen yienh neix gak cungh siuj hagdangz roengz dangz guh cau seiz gaenq yinx haeuj cauhyongraez aeu yaemwenq roq gyong bonjdieg Yauzcuz guh cauhcangqndang haenx daengj, ndaej daengz gyoengq lauxsae hagseng haenggyaez. Ndaw doz dwg hagseng diuq fouxsaux.

(Liengz Vei/梁辉 Yangz Gunh/杨昆)

Bi 2017 Siujsoq Minzcu “Guzgan Giva” Hainduj Gih Raeuz Ciu 288 Boux Sozsw 2017年少数民族“骨干计划”启动 广西招288名硕士

Ciuq gij siusik Guengjsae Gyauyuzdingh, Gyauyuzbu fat roengz bi 2017 “gij dunghcih siujsoq minzcu gauhcwngzsw guzgan vunzcaiz yenzgiuswng h giuseng giva (bailhaj genjdanh heuhguh ‘guzgan giva’), bi 2017 daengz guk 140 aen daihhag mizmingz caeuq gohyenz yensoj youq daengz guk ciuseng 5000 lai baux siujsoq minzcu bozsw, sozswswng, ndawde youq Gvangsijh ciuseng 288 baux sozsw. Linghvaih, gih raeuz Gvangsijh Dayoz, Gvangsijh Swhfan Dayoz, Gvangsijh Yihgoh Dayoz, Gvangsijh Minzcu Dayoz seiq aen daihhag neix baez daeuz ndaej Gyauyuzbu liedbaenz siujsoq minzcu gauhcwngzsw guzgan vunzcaiz giva ciuseng danhvei, moix aen daihhag giva ciusou 10 baux, ndawde, youq gih raeuz sou 6 baux, Neimungz, Sinhgyangh faenbied sou 2 baux.

“Guzgan giva” dwg guk raeuz bangcoh dieg saujsu minzcu gungganq gauhcwngzsw vunzcaiz, doidoengh dangdieg hwngfat vunzcaiz ngenggonz giva, daj bi 2005 hainduj, bi 2017 yaek

youq baihsae 12 swngjih, Hozbwz, Gizlinz, Huznanz daengj 7 aen swngj gizdieg minzcu gagguenj caeuq yienh (si) gapgyaiq ciusou vunz siujsoq minzcu caeuq Bauxgun. Bizyezswng h ciuq hezyi dauqbae dieg dinghyiengq caeuq danhvei couhnieb, sozsw fugsach 5 bi, bozsw 8 bi.

Aeu haeujsim, gaujseng bauqgauj “guzgan giva” sozsw, wng dawz mizgven swliu daengz Swcigih Gyauyuzdingh Minzcu Gyauyuzcu, guh swhgwz saemjhaed caeuq nyinhdingh. Danghnaez bauqgauj hagdangz rog gih, aeu gaengawq bi 2017 《Sozsw Yenzgiuswng h Gaujseng Biujdaenggeiq》 Swcigih Gyauyuzdingh Minzcu Gyauyuzcu gaenq gaepyaenq haenx, daengz swngj, cizyazsi, swcigih gizdieg gaujdiemj swngj gaep gyauyuzdingh (gyauveij) minzcu gyauyuzcu roxnaez gauhyaucu, lingxaeu dangdieg cienmonz gyauyenmaj, yienzhaeh ciuqei gij iugouz hagdangz bauqgauj bae bauqmingz. Danghnaez gaujseng bauqgauj hagdangz gih raeuz bietdingh aeu bae daengz Gvangsijh Gyauyuz-

dingh Minzcu Gyauyuzcu yienhciegz gyoebcmz banhleix bi 2017 《Sozsw Yenzgiuswng h Gaujseng Biujdaenggeiq》 swhgwz nyinhdingh, lingxaeu gih raeuz cienmonz gyauyenmaj, yienzhaeh gag youq Gyauyuzbu gvidingh seizgan youq Cungguek Yenzgiuswng h Ciuseng Saenqsik Vangj doengjit bauqmingz.

Gaujseng bauqgauj bozsw mbouj yungh lingxaeu gyauyenmaj, dan gyau faenh 《Bozsw Yenzgiuswng h Gaujseng Biujdaenggeiq》 ndeu bae daengz Gvangsijh Ciuseng Gaujsien Bujgauh Cauhswnghcu bwh’ anq, youq yienhciegz banhleix swhgwz seiz, youz Gvangsijh Gyauyuzdingh Minzcu Gyauyuzcu doengjit cienj gyau.

Gvangsijh Gyauyuzdingh Minzcu Gyauyuzcu doiq bauqgauj sozsw, bozsw gaujseng guh swhgwz nyinhdingh gyoebcmz banhleix, sozswswng h banhleix seizgan dwg bi 2016 ndwen 10 ngoenz 10-31 hauh, bozswswng h banhleix seizgan dwg bi 2016 ndwen 11 ngoenz 1 hauh daengz ndwen 12 ngoenz 30 hauh.

(Cau Dwzfeih)

SIUSIK DINJ

简讯

● Bineix daeu, Dwz-bauj Yen baengh ndaw yienh byadah swhyenz daegbied gyaunde, gyaudoeng fuengbienh caeuq yinzvwnz swhyenz naekna daengj, haenqrengz dajcauh byadah yawjngonz, cangqheiq ciengxndang, minzcu fungcingz daejniemh daengj lijyouz canjbinj, yinx ndaej haujai hekyouz daeu yawjngonz youzcet. Sam aen geiqdoh gonq, daengx yienh dakdaih hekyouz 100.2 fanh vunzbaez, lijyouz gyonggyoeb souhaeu daengz 7.72 ik maenz ngaenz.

(Cinz Yinzbauj Nungz Cinvanh)

● Seizneix, Lungzswng Gak Cuz Swciyen makbakhom daihbaj baenz lo, nungzhoh dangdieg ciengjgaem seizndei mbaetsou mak bae gai. Aen yienh neix yungh gij vunqsik “hozcozse + gihti + ranzungzhoy + densangh”, gaenmaenx laebguh cwnqczw, ngaenzcienz, gisuz, siugai daengj bangcoengh bingzdaiz, bangcoh ranzungzhoy vut gungz baenz fouq.

(Veiz Gizyangz)

● Bineix doxdaeu, Yungzsuij Myauzcuz Swciyen Dalang Cin Dangjveij, Cwngfuj youq Mbanjdadwz, Mbanjsanglij daengj mbanjungzhoy laebbaenz lwmahndingjmbwn hozcozse, caemhcai yungh gij hingz-sik “doengjit ganq golwg, doengjit guenjieix, doengjit soudauq” hwngfat daegsaek canjnieb, coicaenh bauxguhnaez laisou baenz fouq, gyavaiq yamqdin ranzungzhoy vut gungz.

(Lungz Linzci)

● Yungzanh Yen laebdin dangdieg saedsaeh haiguh cingcinj banggungz, doenggvaq doigvangq gij vunqsik “haeuxnaz + youzgveiz + byaekyouzcai”, gujli dajndaem youzgveiz, byaekyouzcai daengj gomiuz baenz ngonzyawj haenx, hwngfat swngghdai lijyouz, moix moux ndaej demlai 1500 lai maenz, demlai bauxguhnaez souhaeu.

(Cinz Ginghoz)